



**SIARAN MEDIA
KEMENTERIAN KEWANGAN**

**HARGA RUNCIT PETROL DAN DIESEL DIKEKALKAN BAGI TEMPOH
9 JULAI HINGGA 15 JULAI 2026**

Berdasarkan formula *Automatic Pricing Mechanism* (APM), harga runcit petrol dan diesel tanpa subsidi bagi tempoh 9 Julai hingga 15 Julai 2026 dikekalkan, di kala harga pasaran petroleum antarabangsa mula menyederhana daripada paras puncak konflik.

Harga minyak mentah di pasaran global terus menyederhana pada minggu terdahulu. Perkembangan ini didorong oleh pengurangan premium risiko geopolitik, pemulihan aliran bekalan dan peningkatan persaingan harga dalam kalangan pengeluar utama.

Namun begitu, perkembangan terkini di Asia Barat termasuk serangan baharu Amerika Syarikat ke atas Iran semalam menunjukkan risiko gangguan terhadap harga dan bekalan masih kekal selagi penyelesaian konflik tidak dimuktamadkan.

Dalam jangka sederhana, jangkaan lebih bekalan global susulan pemulihan pengeluaran dan penyederhanaan permintaan dijangkaengehadkan kenaikan harga. Namun, sebarang gangguan baharu di laluan perdagangan utama boleh menyebabkan turun naik harga yang ketara.

Walaupun bekalan bahan api negara kekal mencukupi buat masa ini, Kerajaan MADANI menyeru rakyat agar terus mengamalkan penggunaan bahan api secara berhemat. Perancangan perjalanan yang lebih cekap serta pengurangan perjalanan yang tidak perlu dapat membantu memanjangkan bekalan negara dan mengurangkan tekanan terhadap perbelanjaan subsidi.

Penetapan harga runcit petrol dan diesel tanpa subsidi bagi tempoh **9 Julai hingga 15 Julai 2026** adalah seperti berikut:

Harga Runcit

Bahan Api	Harga Runcit	Perubahan
RON97	RM4.00 seliter (harga 8 Julai 2026: RM4.00 seliter)	Tiada perubahan
RON95	RM3.37 seliter (harga 8 Julai 2026: RM3.37 seliter)	Tiada perubahan
Diesel	RM3.97 seliter (harga 8 Julai 2026: RM3.97 seliter)	Tiada perubahan

Harga petroleum bersubsidi yang dikekalkan adalah seperti berikut:

Bahan Api	Harga Subsidi
RON95 (BUDI95)	RM1.99 seliter
Diesel (BUDI Diesel)	RM2.10 seliter
Sistem Kawalan Petrol Bersubsidi (SKPS)	RM2.05 seliter
Sistem Kawalan Diesel Bersubsidi (SKDS)	RM2.15 seliter

Melalui BUDI MADANI RON95 (BUDI95) dan BUDI MADANI Diesel (BUDI Diesel), rakyat Malaysia yang layak terus boleh membeli RON95 dan diesel bersubsidi menggunakan MyKad, tertakluk kepada kelayakan dan baki kelayakan bulanan masing-masing.

Kerajaan MADANI akan terus mengambil pendekatan berhemah bagi melindungi rakyat daripada turun naik harga, di samping memastikan bekalan bahan api negara kekal mencukupi dan terjamin.

Kementerian Kewangan

Putrajaya

8 Julai 2026